



Nianca ai pustri da Uttenheim ne ti pó i ladins y mëss azeté na pordüda che ne miorëia nia súa situaziun.

An pó indo dí che La Val s'ess mirité val deplö, an pó dí che La Val á valgünes ocajiuns d'or dan porta mo an mëss azeté l fat che i avversars á albü la dërta determinaziun y sanch frëit da segné, ci che al ti mancia atualmënter ai ladins.

Bel atira vëighen che i padruns de ciasa ne ciafa nia la dërta confidënza cun le ciamp, i avversars rōia denant sōn le palé y insciō tiri inc fora la prūma ocajiun dla partida: ala cher d'ora vega l'atacant na trata al jore sōn na crossada, le palé ti fej indere le pulan ala stangia de porta. Pūch do al 30[^] rōia Stefan a rebat de ce sōn na trata dal ciantun, la prezijiun ne é nia la miú y le curan rōia sura porta fora. Ocajiun nia anuzada y gol ciagé, insciō el suzedü pūch do, al 34[^] ti sciampa le sogadú da na pert jö y apogëia amez por le cumpagn che rōia a dërt mumënt a apogé la cogura te rëi. Insciō se rōia inc la prūma pert cun le vantaje avversar.

En secundo tēmp nia cis rich de ocajiuns. Al 65[^] pëia it Ivan cuntra area y pro na trata sēcia cuntra le portier, chësc ultim se sēnta ia por tera y se tēgn la cogura amesa les giames. Ti ultims menüc mëss i ladins rischié val inplö y lascia lerch al'atach avversar, che anuzëia le mumënt por ruvé a ocajiun plö o manco prigoroses. Mo i ladins rōia ciamó n iade dan porta, Michele mët n bel palé amez por Max che rōia a deloj la cogura cuntra porta mo chësta rōia ince de pūch sura fora. Da alzé fora ciamó na desgorda porom por burc contrasc. Do le sciür dla fin se ciara i sogadus cun desfidënza y mëss indo dlutí na pordüda che ne dëida nia mioré

la situaziun atuala, che oress dí le ultim post de tlassifica cun dui punc arjunc cina sègn.

La Val – Uttenheim 0-1

Formaziun La Val: 1. Sepl Kantioler, 2. Simon Campeï, 3. Paolo Vallazza, 4. Marco Castlunger, 5. Thomas Ploner (60[^] Max Nagler), 6. Christian Dapoz, 7. Christian Terza (70[^] Ivan Tschaffert), 8. Martin Menazzi (65[^] Alex Ploner), 9. Michele Campeï, 10. Stefan Sottara – capitán (75[^] Patrick Miribung), 11. Alex Elzenbaumer (83[^] Luca Bernardi)

Proscima partida: La Val süga chësta dumënia dales 15:30 a Rina le derby cuntra la squadra de cïasa

Atri resultac:

Altherren (La Val): La Val – Schabs 1-4

Juniores Pool (Val Badia): Reischach – Val Badia: 0-3

Giovanissimi (Val Badia): Pichl Gsies – Val Badia 1-2

U-13 (La Val): Obopuschtra Jd. – La Val 18-0

U-11 (La Val): San Lauränz – La Val 3-3

U-9 (La Val): Dietenheim – La Val 9-2